



Universitätsbibliothek Paderborn

**Commentaria Vetustissima & profundissima Super
Canticvm Canticorvm Salomonis Qvod Hebraice Dicitvr
Sirhasirim**

Wolbero <de Sancto Pantaleone>

Coloniae Agrippinae, 1630

Capvt Septimvm.

urn:nbn:de:hbz:466:1-10027

228 In Canticum Cantorum Salomonis

qui nec timidus in bono, nec audax in malo inuenitur. Similiter & in cæteris videri potest virtutibus, ex quarum consideratione iuxta se positarum intelligitur qualitas vitiorum.

Ex toto ergo materia huiuscetmodi carnali scilicet & spirituali quadrifariam distincta, unum quoddam sit materialium, quod in se quasi geminam præfert quadrigam carnis & spiritus, cui præsit aurigans vel Deus vel Diabolus; sed Deus regens, saluans & vivificans; Diabolus subuertens, damnans, & occidens. Nomen quidem æquiuocum est, quod cum utrobiusque *quadriga* appelletur, definitio tamen diuersum est: nam per suggestionem Diaboli & delectationem carnis, consensum quoque spiritus, & consuetudinem mali operis à Deo deficere, est quadrigam Diaboli esse; & è conuerso, per suggestionem verò Dei, & delectationem animæ, consensum quoque spiritus, & consuetudinem boni operis ad Deum proficere, est quadrigam Dei esse: Et è conuerso, quadriga quoque Dei est mens, quatuor virtutibus quas supra posuimus, hoc est prudentia, iustitia, temperantia, fortitudine quadrata; cui opponitur quadriga Diaboli, mens scilicet quatuor virtutibus suis contrariis, hoc est stultitia, iniquitate, luxuria, formidine eneruata.

Clamat ergo Ecclesia, sive ip-

se sponsus per Ecclesiam Sunamiti, reuertere, reuertere, reuertere, Quot modis quis de linquit, to tidem se debet ad Deum cōuertere.
se & virtutem animi mortificando offerat. Reuertere, inquit, per pœnitentiam & satisfactionem præteriorum malorum, reuertere per contemptum sæculi, reuertere per mortificationem carnis, reuertere per virtutum constantiam. Reuertere autem ut intuemur te, hoc est, ut postquam pœnitentiam egeris misereamur tui. Videre enim Dei est misereri: unde est misereri Psalmista ad Deum, respice, inquit, Psa. 85. in me, & miserere mei; & contra auersio vultus eius, ira est illius, sicut idem psalmista dicit, aueristi faciem tuam à me, & factus sum conturbatus. Psa. 29.

Quod autem pluraliter dicit ut intueamur te, modus ille locutionis est in Deo, quo alibi dicit, faciamus hominem ad imaginem & similitudinem nostram, qui modus inducitur propter pluralitatem personarum in sancta Trinitate.

CAPVT SEPTIMVM.

I. **Q**uid videbis in Sunamite, nisi chorus castrorum? Quām pulchri sunt gressus tui in calceamentis filia Principis: iunctura fœminum tuorum

- euorum sicut monilia, quæ fabricata sunt manu artificis.
2. Vmbilicus tuus sicut crater tornatis nūnquam indigens poculis. Venter tuus sicut aceruus tritici, vellatus lilijs.
 3. Duo vbera tua, sicut duo hinnuli capreæ camelli.
 4. Collum tuum sicut turris eburnea. Oculi tui sicut piscinæ in Esebon, quæ sunt in portâ filia multitudinis. Nasus tuus sicut turris Libani, quæ respicit contra Damascum.
 5. Caput tuum sicut carmelus: & comæ capitis tui sicut purpura Regis iuncta canalibus.
 6. Quam pulchra es & quam decora charissima in delicijs.
 7. Statura tua assimulata est palma, & vbera tua botrys.
 8. Dixi, ascendam in palmam & apprehendam fructus eius: & erunt vbera tua sicut botri vineæ, & vox oris tui sicut odor malorum.
 9. Guttur tuum sicut vinum optimum, dignum dilecto meo ad potandum, labijsq; & dentibus illius ad ruminandum.
 10. Ego dilecto meo, & ad me conuersio eius.
 11. Veni dilecte mi, egrediamur in agrū, commoremur in villis.
 12. Manè surgamus ad vineas, videamus si floruit vinea, si flores fructus parturiunt, si floruerūt mala punica: ibi dabo tibi vbera mea.
 13. Mandragoræ dederunt odorem in portis nostris. Omnia pomæ nouæ & veteræ, dilecte mi, seruauit tibi.

VERSUS I. CAP. SEPTIMI.

Quid videbis in Sunamite, nisi choros castrorum? Quam pulchri sunt gressus tui in calceamietis, filia principis: iuncturae fœminum tuorum, sicut monilia quæ fabricata sunt manu artificis.

QUAM diu Iuda erroris sui vinculo, siue qualibet anima peccati iugo tenebatur captiuâ, nulla in ea iocunditas, sed miseria videri poterat, quia & illa inter pugnâ literæ & spiritus, & ista inter pugnam carnis & spiritus meliore parte se per inferior erat: nam illa solam literam sequebatur, ista carnem. At ubi per poenitentiam illa sensum spiritualē agnouit & recepit, ista carnis amore calcato secundum spiritu vivere cepit, benignus Pater utruq; misericorditer suscipiens ostendit suum eis adiutorium impensurum, ut veram iam & plenam libertatem adepta, & quasi victoriā de parte sibi aqueresa consecuta, deuotas ei laudes carne & spiritu lætabunda persoluat. Hoc n. ipse per Prophetā promittit dicens, reuertimini ad me, Malac. 3. & ego reuertar ad vos. Vnde & eorum conuersioni congaudens dicit Ecclesiæ, quid videbis in Sunamite, nisi choros castrorum? In choris quippe concorditer resonantia melodiarum alternatio ostenditur, in castris vero bellatorum societas pro tuitione colligitur. Quid ergo sunt cho- ri castrorum, nisi laudes bellatorum? Et est sensus, quia Sunamitis ista de captiuitate, sub qua

Gg 2 per

per culpam detinebatur, ad me
conuersa est, tantam ei libertatis &
securitatis gratiam conferam, ut ni-
hil aliud in ea , ô dilecta videre &
mirari debeat, quam pro deuictis
ac depressis vitorum motibus , &
concessis virtutum profectibus læ-
tas gratiarum actiones & quotidiana
laudum præconia.

Iam quasi in vnum coniunctis
duobus parietibus, ex aduerso ve-
nientibus Iudaico, videlicet atque
gentili populo, quibus ostendit to-
tam vniuersalem constare Eccle-
siam, dirigitur rursus in laudem ip-
sius, vt prædicet in vno corpore
tam diuersas suæ dignationis gra-
tias insigniter constitutas , & ob
hoc iustè & dignè sibi gratiarum a-
ctiones persoluendas. Dicit ergò
quam pulchri sunt gressus tui in calcea-
mentis filia Principis.

Per gressus
actionum
cursus, per
calceamen-
ta præce-
dentium
Patrum ex-
empla no-
tantur.

Quid per gressus nisi actionum
cursus ex primitur? quid per calcea-
menta, quæ ex mortuorum anima-
lium pellibus fiunt, nisi præceden-
tium Patrum, & ex hac vita subtra-
ctorum exempla signantur? sicut e-
nim calceamentis pedes tuentur,
ita sanctorum Patrum exemplis
mores eos sequentium defendun-
tur.

Per filiam aut Ecclesia , aut sancta quælibet anima illi per adoptionis gratiam dedita , qui est princeps Regum terræ ? Pulchros ergo gressus habet Ecclesia , siue sancta quælibet anima in calcea-

mentis, quia pulchros & reuerendos habet actus ex sanctorum Patrum gestis & documentis. Quare non inconuenienter subiungit: *Iuctura fœminum tuarum sicut monilia; quæ fabricata sunt manu artificis.*

*Per iuncturam fœminum concordia
duorum testamentorum accipitur, Periuncto-
quia tam æqualiter iunguntur ve- rum fæmi-
tus & nouum testamentum , vt num con- cordia
quod vnum annuntiat in figura, duorum
hoc aliud repræsentet in veritate. testamen-
Sed quid est quod hæc testamenta torum ac-
monilibus comparantur? Monile e- cipitur.
nim componitur ex auro & argen-
to prætiosisq; lapidibus , & in pe-
ctore matronarum ponitur, vt sit
eis & pro munimento & pro orna-
mento. Vtrumq; autem testamentum
construetum est ex diuini sensu fulgore & eloquij nitore quasi
ex auro, & argento , diuersarum
quoq; virtutum prædicamentis,
quasi quibusdam prætiosis gémis:
Et sicut Matronarum pectus moni-
le munit & ornat, ita vtrumq; te-
stamentum sanctæ Ecclesiæ , siue
cuiusque sanctæ animæ pectus
spiritualiter munit & ornat, munit
quidem à vitiorum hostilitate, or-
nat verò virtutum pulchra varie-
tate.*

*Iunctura ergo feminum eius
sicut monilia, quia concordia
duorum testamentorum quibus
quotidiè sancta Ecclesia, vel quæ-
uis sancta anima instruitur, ma-
gnum ei conferunt tutamentum
& ornamentum; tutamentum
quidem*

quidem contra peruersitates Hæretorum, ornamentum autem propter decorum & pulchritudinem sensuum & eloquiorum, siue quæ in ea celebrantur virtutem Sacramentorum, & honestatem ordinū Ecclesiasticorum.

Quis verò est iste artifex, cuius manus ista monialia, hoc est, testamenta, fabricata sunt, nisi omnipotēs Deus, cuius volūtate, potestate, operatione hæc honestè composita, vtiliter exposita, feliciter sunt suscepta? Quare dignitas horum testamentorum valde est commendabilis, quando tali sunt auctore constituta, cuius artificium non est humanum, sed diuinum, non inuentum, sed voluntarium & potestatuum, omnia enim quæcumq; voluit fecit, semperque eius velle, fuit etiā eius fecisse.

Psal.13.
Omnem ergò decorum & pulchritudinem interioris hominis sui sancta Ecclesia siue quælibet sancta anima ex istorum testatorum cōsideratione colligit, quia ibi quasi in speculo videt quid deformitatis, quid minus formositatis habeat, ibi etiam intelligit quid credendum, quid sperandum, quid amandum necessaria sibi vtilitas proponat. Vnde meritò iunctura fœminum eius, à sposo laudatur, quia concordia duorum testatorū, siue duorum populorum, siue geminæ charitatis maximam & totā benè viuendi constituunt regulam, & certissimam pro conseruata re-

gula reponūt remunerationis gloriam. Et benè iuncturam non femorū, sed fœminum dixit, quia ex his concipitur, nascitur & proficit omnis sanctæ Ecclesiæ, vel cuiuslibet fidelis animæ honestas & vtilitas.

VERVS II.

Vmbilicus tuus sicut crater tornatilis, nunquam indigens poculis. Venter tuus sicut aceruu tritici vallatus lilijs.

Vmbelicus ventris meditulliū est; quid ergo est vmbelicus Ecclesiæ, nisi sancti Prædicatores & vmbelicus Doctores, qui in medio populi versantur, eundem populum sibi colligant, doctrinā & operatione? sic res. ut enim vmbelico omnia adhæret viscera, ita populus suis adhæret Prædicatoribus, ad eorum verba & exempla semper quasi ad quoddam meditullium circa se positum respiciens, vt in eorum moribus & sermonibus firmamentū sibi quoddam benè viuendi constituat.

Sed iste vmbelicus sicut crater tornatilis dicitur, quia vt superflua & inæqualia morum reſcent, sancti Doctores in Ecclesia semper ad idem versantur, quando pro hoc adipiscendo, parentur quod semper est immutabile, & idē crater tornatili qui in sui qualitate perseverat, currunt, nunquam laborant, & alios secum trahere fenestrant. Qui crater nunquam indigere poculis dicitur, quia ijdem Prædicatores semper abundant diuinorum sententijs

sententijs eloquiorum, quibus & i-
psi per gratiam sancti spiritus de-
briantur, & sitibunda populorum
pectora sufficienter reficere stu-
dent.

Alio quoque modo, si ad cuius-
que fidelis animam intendimus
spiritualiter vmbelicus mentis san-
cta dici charitas potest, quæ veluti
in centro quodam posita, omnes
quasi per circumferentiam virtu-
tes tangit, quia dum nulla virtus
sine charitate esse potest, omnes
profectò virtutes ad eam respicien-
tes quasi charitatis appendices esse
videntur.

Sed quomodo hæc dicitur
quare dicatur crater tornatilis? Apostolus dicit,
tornatilis. quia finis præcepti charitas ad iustitiam
1.Tim. 1. omni credenti: ergo omnis perfectio
in charitate consistit, quia est torna-
tilis, nihil in se superfluitatis & ob-
stantis vitij retinens, atque ideo
perfecta & plana, perfecta quippe cha-
ratis foras mittit timorem, quia timor
1. Ioh. 4. non est in charitate. Ista etenim per-
fectio finis est præcepti, id est con-
sumatio, ut dicit Propheta, ver-
Esa.10. bum consummatum quod fecit Dominus
Rom. 9. super terram.

Quomodo autem nun-
quam indigenis populis? musto
Charitas pleni dicebantur Apostoli quan-
quomodo nunquam do spiritu sancto, hoc est ig-
noscitur in-
digere po-
culis.
Ps. 22. inepti enim erant populo illo
calicis spiritualis, de quo di-
cit Psalmista, & calix meus

ergo diuina charitate, replen-
tur, quomodo non semper il-
lo in deficienti spiritus sancti
madent & calent poculo? E
contra terra siti arere dicitur, quæ
diuinæ charitatis infusione non
respergitur: vnde Dominus hac
siti arentibus clamat, dicens,

qui sitit, veniat ad me & bibat, & Ioh. 7.

de ventre eius fluent aqua viua. Igitur

crater iste tornatilis nunquam in-
diget poculo, quia perfecta
charitas nunquam eget rore cœ-
lesti, & illius summi boni deside-
rio. Quia verò sunt in Ecclesia

Prælati & subiecti, fortes & infir-
mi, prudentes, & simplices, post-
quam in Prælatorum virtutibus
Christus Ecclesiam suam lauda-
uit, subdit quoque laudabile
testimonium & obedientia &
disciplina subiectorum, venter
tuus, inquiens, *sicut aceruuſ tritici.* Quia enim venter pars est

corporis fragilis & mollis, per ven-
trem fragilitas subiectorum, qui

Per ventre
fragilitas
subiectoru
in Ecclesiâ
designatur.

nondum perfectionem Magistro-
rum consequi possunt, designatur;
sed quia & ipsi quoque ad Eccle-
siam pertinent, & de forte sunt ele-
ctorum, quos ille summus Pater
familias triticum suum appellat, &
Matt. 13. in horreum suum congregari iu-
bet, non incongruè aceruo tritici
comparantur. Aceruuſ autem in-
ferius dilatatur, superius acuitur,
tota verò congeries est granorum,
quasi inuicem se complectentium
& portantium collatio.

Quid

Peracer-
uum tritici
multitudo
fidelium
Prælatis o-
bedientiū
exprimi-
tur.

Gal. 6.

Quid ergo per aceruum tritici,
nisi multitudo fidelium Prælatis o-
bedientium exprimitur, qui quam-
uis per infirmitatem carnis & curas
rerum sacerularium, circa latam &
spatiosam viam aliquantulum
deprimantur, tamen per obe-
dientiam & humilitatem, frater-
nam quoque charitatem fide &
spe ad supernæ eriguntur: nam in-
uicem se complectentes & adiu-
uantes, atque infirmitates mor-
rum & corporum tolerantes, im-
plent illud Apostoli, *alter alicuius o-
nera portate, & sic adimplebitis legem
Christi.*

Cur acer-
uum tritici tri-
tici dica-
tur vallatus
lilijs.

Sediste aceruum tritici, vallatus li-
lilijs dicitur, quia per rectæ fidei o-
dorem & peccatorum confessio-
nem multum proficit ad æternæ
vitæ candorem; in lilio enim est &
odor, & candor, & medicina: o-
dor enim est in fide & operatione,
medicina in peccatorum confes-
sione, candor in vitæ æternæ
retributione.

VERSUS III.

*Duo vbera tua sicut duo hinnuli
gemelli caprea.*

Per duo v-
bera duo
charitatis
præcepta
acciipiun-
tur.

PER duo vbera non absurdè acci-
pi possunt duo charitatis præ-
cepta, per quæ anima cuiusque fi-
delis, per teneritudinem intimi-
lactis nutritur, & in spiritualis ex-
ercitijs robur perducitur, vt pos-
sit cum Apostolo dicere, *omnia pos-*

*sum in eo qui me confortat: nam fortis Philip. 4.
est ut mors dilectio, & à charitate Chri- Cant. 8.
sti nulla sanctoros separarat tribulatio. Per Rom. 8.
hanc enim eunt de virtute in virtutem: Ps. 83.
vnde & recte ipse charitatis præce-
pta duobus gemellis hinnulis caprea,
quæ naturaliter semper alta petit
comparantur.*

Sed quare gemellis? nimis propter ipsius geminæ charitatis, Dei videlicet & proximi concordiam & ynitatem, quia ita insimul in mente sanctorum concipiuntur, & crescunt; vt neutra possit esse prior altera, sed cum diligit Deum, diligat & proximum, & cum diligit proximum, diligit Deum. Vtrumq; enim alterius & probatuum, quia sicut dicit Iohannes, *qui dicit se diligere Deum, & non diligit fratrem suum, Ioh. 4.
mēdax est: atq; ideo ista duo charitatis præcepta quasi duo gemelli sunt caprea, quia & uno geratur loco & tempore, & semper ad altiora quotidiano virtutum proficiunt incremento.*

Siue duo vbera duo sunt testa-
menta, quibus sancta Ecclesia quo-
tidie ad pietatis enutritur opera: q
etiam sunt quasi duo hinnuli gemelli ca-
prea, quia ita unum sunt significas &
significatum, vt quamvis non uno
fuerint tempore in exhibitione, uno
tamen sint tempore in signifi-
catione, & tanta est ipso-
rum testamentorum maiestas, vt
de eis disputationibus, semper ma-
ior & altior occurrat subtili-
tas.

VER-

VERSUS IV.

*Collum tuum sicut turris eburnea:
Oculi tui sicut piscina in Hesbon, quæ
sunt in porta filie multititudinis. Nasus
tuus sicut turris Libani, quæ respicit con-
tra Damascum.*

Per Collū
sācti Prædi-
catores in
Ecclesia
significan-
tur.

*Psal. 11. tur, quia eloquia Domini casta, & præ-
Psal. 18. ceptum Domini lucidum illuminans o-
culos.*

Sācti Præ-
dicatores
quaretutri
eburnea
comparen-
tur.
*Collum ergo sāctæ Ecclesiæ siue
sāctæ cuiusque anime, est sicut tur-
ris eburnea, quia illius prædicatio al-
ta, & firma, & pulchra est, & dum
mentem ad Deum erigit, ab hostiū
insidijs defendit, atque nulla hære-
ticæ prauitatis macula corrumpi
permittit ; Econtrà synagoga per-*

Prophetam dicitur, *turris nebulosa, Synagogæ
quia obscura & inuoluta est carna- turris ne-
bulosa di-
līs Iudæorum scientia, quæ quidem
turris est, propter sublimium Sacra- Mich. 4.
mentorum quæ in ea teguntur cō-
tinentiam, sed nebulosa propter car-
nalem solius intelligentiam literæ.
Oculi tui sicut piscina in Esebon, quæ sunt
in porta filie multititudinis.*

Oculi sanctæ Ecclesiæ, siue po- Oculi san-
tius cuiusque fidelis animæ non in- tæ Eccle-
conuenienter accipi possunt, duæ siæ, siue fi-
in mente quasi in capite considera- delis ani-
mæ sunt
considera-
tiones dextra læuaque intendentes, tio miseriæ
videlicet ad paruitatem & miseriā tempora-
temporalis vitæ, ad æternitatem & felici-
citatis per-
felicitatem perpetuæ & incommu- petuæ.
tabilis vitæ.

Quæ rectè dicuntur *quasi piscina
in Esebon*, quod interpretatur cing-
ulum mœroris, quia profectò ex
mœrore & tristitia peccatorum, si-
ue ex desiderio æternorum bonorū
profluent per compunctionem
veluti piscinæ fontes lachrymarum.
Istæ siquidem piscinæ profluent ex
dupli compunctione, quæ nascū-
tur est istorum duorum oculorum
consideratione, quia dum mens fu-
tura supplicia pensat, & suorum re-
miniscitur malorum, ad pœnitentia-
tiam compungitur, quasi ex altera
piscina irrigantur.

Sed istæ piscina sunt in Esebon, quia
ex hac geminâ compunctione, ex
vna parte pœnitentiæ, ex altera di-
lutionis cingitur mœrore, ut & ad
priora vitia ex futurorum malorū paretur.
recordatione non defluunt, & ad
virtu-

Luc. 12. virtutum studia ex futurorum bonorum desiderio se fortiter strin-
gat, iuxta Dominicum præceptum adimplens *sint lumbi vestri prædicti.*

Quid intel- *Piscina autem ista dicuntur esse in*
ligatur per *porta filia multitudinis.* **portam fi-**
lia multitu- *ista porta? nimis exitus vitæ hu-*
dis, in *ius, & introitus vitæ futuræ, unde*
qua dicun- *dicitur in Psalmo viro beato, non*
tur esse pis- *confundetur cum loquetur inimicus suis in*
cina in Ese- *bon.*

Psal. 126. *porta: nulla quippe confusio erit*
viro sancto in exitu huius vitæ, cum
ei pars aduersa obstat & nocere
voluerit, quia illi in vita sua serui-
uit, in quo nihil suum princeps
mundi huius inuenit.

Acto. 4. *Quæ est autem filia multitudinis,*
cuius ista porta dicitur esse, nisi san-
cta cuiusque fidelis anima, illius vi-
delicet multitudinis filia, cuius erat
cor vnum & anima una? *Quæ tunc*
quidem in terris rufis erat & pri-
mitiua Ecclesia, sed illius præfigu-
rabat unitatem, quæ nunc in cœ-
lis verò & perfecta concordia,
cum Christo regnat per ineffa-
bilem & immutabilem charita-
tem.

Huius nimis *multitudinis filia*
piscinas illas geminæ compunctionis
in sua habet porta, quia per pœ-
nitentiam præteriorum malorum,
& desiderium futurorum bonorum
confidenter & feliciter de hac
vita exiens intrat regna cœlorum.
Pulchrè ergò *oculi Ecclesiæ* siue
sanctæ animæ dicuntur esse veluti
piscina in Esebon, quæ sunt in porta filia

multitudinis, quia dum ex peccato-
rum recordatione vel ex æternæ
vitæ amore, per geminam com-
punctionem madent lachryma-
rum fonte, introitum sibi regni
cœlestis aperiunt in exitu vitæ.

Aliter *oculi Ecclesiæ* possunt ^{Item oculi} non inconuenienter dici prouiso- ^{Ecclesiæ}
^{res & Doctores eiusdem, quibus} ^{sunt prouo-}
^{ista similitudo quoque aptari po-} ^{tores & Do-}
^{test, vt sicut piscina in Esebon dicantur:} ^{ores ius-}
^{qui sicut Esebon ciuitatem cingunt & muniunt piscina, ita isti cingunt & muniunt Ecclesiam cingu-}
^{lo mœroris, quod Esebon interpreta-}
^{tur, dum sua Doctrina & prædica-}
^{tione quasi quodam salutari fonte}
^{prouocant ad compunctionem,}
^{ad confessionem, ad satisfactio-}
^{nem dicentes illud Euangelicum,}
^{pœnitentiam agite, appropinquabit enim}
^{regnum cœlorum.} *Pœnitentia* ^{Matth. 3:} *quip-*
pe rectè dici potest cingulum mœ-
roris, quia sic vndique cingi & mu-
niri debet vita pœnitentis, vt &
commissa lugeat, & lugenda ulte-
rius non admittat: Ea namque ^{Vera pœni-}
vera pœnitentia est, qua sic retro- ^{tentia qua-}
acta peccata conspicuntur, vt fu- ^{lis esse de-}
tura timeantur, habeatque mœro-
rem ex præteritis, timorem ex fu-
turis. Sed quia timor iste pœ-
nam habet, dum ea recordatione
præteriorum & timore futuro-
rum mœrorum animi contrahit, re-
ctè pœnitens cingulo mœroris vi-
tam constringit.

Sed *piscina ista in Esebon sunt in Por-*
Hh tafī-

Doctores Ecclesiae cur
comparantur pescinis
in Ezebion
qua sunt in
porta filie
multitudi-
nis.
Psal. 138.
Ibid.

ta filie multitudinis : quae autem est filia multitudinis, vel quae est ista multitudo? nonne sanctam Ecclesiam genuerunt Apostoli, & eorum successores Apostolici viri? quorum dignitatem intuens Psalmista, nimirum, inquit, honorati sunt amici tui Deus, nimirum confortatus est principatus eorum; quos non paucos, sed multis fuisse considerans, dinumerabo, inquit, eos, & super arenam multiplicabuntur. Huius ergo multitudinis filia est sancta Ecclesia, quam, ut diximus, sua genuerunt doctrina, quae habet portam, discretionis videlicet ianuam, per quam discernit quos vel quales in suo corpore recipiat, vel à suo corpore repellat. Nam cum semper tritico mixta sint zizania, bonos quidem sibi quasi dulces cibos incorporat, malos verò veluti malos humores in corpore suo tolerat, hæreticos verò quasi venenum mortiferum à se profus alienat.

In hac ergo discretionis porta stant quotidie prouisores siue Doctores sanctæ Ecclesiae, quasi quidam oculi in capite, qui discernere sciunt per spiritum sapientiae, qui pertineant vel non pertineant ad corpus Ecclesiae, qui pisces eligendi quiue rei ciēdi sint in ultimæ stationis littore: deniq; fidelibus apertas vitæ ianuas ostendunt, peccatoribus verò pœnitentibus clausas aperiunt, porrò impijs& non pœnitentibus æternaliter claudunt.

Sive porta filie multitudinis fides Porta filie multitudini-
dicitur, quae est initium & quasi nis fides
quidam introitus ad viam salutis, quomodo dicatur.
fine qua impossibile est Deo placere, Hebr. II.
quam prima fronte proponunt sancti Doctores vitam vitæ quæ-
rentibus, & ad cœlestem patriam peruenire cupientibus; quia primo
debet quisque rectè credere, ac
deinde rectè credens benè operari.

Sed quia portam istam filie multitudinis diximus discretionis gratiā, qua sancti prouisores & Doctores Ecclesiae vel pœnitentes admittere, vel non pœnitentes exclude-re sciunt, qualis ipsa discretio sit vel esse debeat, subditur, cum dicitur, *nasus tuus sicut turris libani, &c.*

Per nasum quippe quo odores Per nasum
fœtoresque discernimus Sancto-Sanctorum
rum discretio designatur, per quam signatur.
norunt discernere odores virtutum,
fœtoresque vitiorum, vt
intelligent quid eligere & quid re-
probare debeant. Qui nimirum Discretio
nasus sicut turris libani esse dicitur, Præposito-
rum cur tur-
ri libani af-
similetur.
quia videlicet Præpositorum dis-
cretio & munera semper debet
esse ex circumspectione, & in al-
titudine vitæ consistere, id est, in
valle infirmi operis non iacere.
Sicut enim turris in montem id-
circo ad speculum ponitur, vt
hostes qui veniunt longius vide-
antur, sic Prædicatoris vita sem-
per in alto debet fixa permanere,
vt more narium discernat fœtores
vicio-

vitiorum, odoresque virtutum, incursus malignorum spirituum longe prospiciat, & commissas sibi animas per suam prudentiam cautas reddat. Et quia ipsa discretio mater virtutum esse dicitur, recte turri libani qui candidationem sonat comparatur, quatenus per eam omnium virtutum pulchritudo custodiri intelligatur.

Quomodo intelligendum quod dicitur turrem libani respicere contra Damascum.

Osee 4.

Psalm. 50.

Sed haec turris contra Damascum respicere dicitur, quia Sanctorum vita contra vitiorum tentamenta per altam discretionis considerationem forti custodia munitur. *Damascus* quippe sanguinem bibens interpretatur, quo mundus iste recte designatur, qui quotidie vitijs & peccatis inebriatur: sanguine enim peccata designari, Propheta indicat dicens, *& sanguinis sanguinetigit*, hoc est peccato peccatum accessit; & Psalmista, *libera me*, inquit, de sanguinibus Deus Deus salutis meae.

Turris ergo ista contra Damascum dirigatur, quia Sanctorum vita virtutibus alta & munita, contra mundi huius voluptates forti & discreta consideratione præmunitur.

VERSUS V.

Caput tuum sicut Carmelus: & coma capitum tui sicut purpura Regis iuncta canalibus.

Mens sancta cur Carmelo comparetur.

Per caput principale mentis designatur, *Carmelus* autem sciens circumcisionem sive mollis fluuius interpretatur.

Recte ergo mens sancta Carmelo

comparatur, quia & in diuina contemplatione alta est, & à se carnalitatem morum sive cogitationum spirituali circumcidere nouit, atque diuini Spiritus infundente gratia, suaui doctrina quasi molli fluuius audientium corda irrigare studet. *Et coma capitum tui sicut purpura Regis iuncta canalibus.*

Per comas capitum cogitationes mentis accipi possunt, quæ sicut purpura Regis iuncta canalibus dicuntur, quia quanto magis Sanctis iunguntur, & intendunt Scripturis, quasi qui busdam canalibus tanto magis accenduntur ad imitationem passionis Christi carnem suam mortificando cum vitijs & concupiscentijs, sive ipsam carnem si necesse fuerit pro Christo persecutionibus offerendo prætiosam Deo purpuram cordis & corporis martyrio sacrificantes.

Possimus & alio modo hanc orationis particulâ ipsi capiti Ecclesiæ, hoc est Domino Iesu Christo aptare, ut videlicet ex Persona sua eidem Ecclesiæ Sponsæ suæ seipsum inducat loquentem, *Caput tuum sicut carmelus, & coma capitum tui sicut purpura Regis iuncta canalibus.* Ego inquit, ô Sponsa qui dico & sum caput tuum, monte carmelo, propter altitudinem & nominis interpretationem comparari possum, quia cum sim bonum generalissimum, nihil est quod mea natura excellentius esse possit secundum diuinitatem, porro secundum humanitatem

Hh 2 nihil

Caput Christus & quare monte carmelo similis dicatur.

nihil vita & conuersatione mea sanctius, & in mea doctrina vera & perfecta cordis circumcisio discitur, atque omnis mea prædicatio verè quasi mollis fluuus decurrit, ut audientium metes sui salubritate reficiat, & ad boni operis studia informet.

Capitis co-
mæ sunt A-
postoli, &
quare assimili-
lentur pur-
pura Regis
iunctæ ca-
nalibus.

Huius capitis tui coma, mei sunt Apostoli, cæteri quoque mei sancti, qui mihi charitate, sicut comæ capiti adhærent, quibus purpura benè congruit, quia sicut purpura quæ vicinior canalibus est, melius ringuit, ita illorum mens, quo magis meis vel meorum Prophetarum verbis & institutionibus vicina efficitur, eò magis ad amorem mei virtute acceditur, & in tabernaculo meo, hoc est in Ecclesia mea, prætiosa & regalis purpura, coccus scilicet bis tinctus Dei & proximi dilectione refulgere conatur.

1. Cor. XI.
Quilibet fi-
delis quo-
modo coma
capitis Chri-
sti esse pos-
sit.

Igitur quia *caput viri Deus*, si hu-
ius capitis sui coma quisque fidelis
virtute animi esse desiderat, sacris
Scripturarum canalibus, necesse est
vt sedulus scrutator inhæreat, quia
ibi inuenit unde tinguatur, vt Regis
sui cœlestis per amorem intimum
purpura mortificatione carnalis vi-
tae efficiatur.

Notandum autem quod pulchre respondet dilectus dilecta hu-
iusmodi laudis præconio, decem
partibus quasi decem chordis, uno
resonans spiritualiter decachordo,
quod ita superiori decachordo,
quod in laude Sponsi Sponsa de-

cantauerat, decenter opponitur, vt
illud à superioribus istud ab inferi-
oribus modū gratissimæ melodiae
imponant.

Quia enim Sponsa ad Sponsum Cur sponsa à
sponso lau-
detur, à mi-
noribus ad
maiora af-
surgendo.
recta intentione & perfecto amore
semper ascendere debet, iustum est
vt de minoribus ad maiora assur-
gat, atque ideo à Sponso proficien-
tis & quasi crescentis ad virtutes a-
nimi eius præconium dignanter
decentur; non quod iste profe-
ctus, virtus, & potentia sit accipi-
entis, sed potius quia laus est Sponsi
dantis & hanc ei virutem atque po-
tentiam suo munere tribuentis.

At verò Sponsa intendens vene- Sponsa cur
sponsi præ-
conia, à
summo in-
cepit.
rabiliter immensam Sponsi benig-
nitatem de cœlo descendantis, & summo in-
ad nostram se infirmitatem propter
nos humiliantis, laudis eius præco-
nia à summo corporis præconio,
hoc est à capite quasi à superio-
ri orditur chorda, vt ostendat se in-
ferius positam, semper se respicere
debere ad vitam & doctrinam
Sponsi sui superius sibi è regione
oppositam, & ad illum per imita-
tionem ascendere, quem cognos-
cit ad se per compassionis pietatem
descendisse.

VERSUS VI.

*Quam pulchra es & quam decora
charissima in delitijs.*

Postquam sponsus in sponsâ
per partes prædicauit varietatē
mem-

VERSUS VII.

Statura tua assimilata est palma, & vbera tua botris.

Cur atitem huiusmodi *statura* Statuta Ecclesiae palme assimilatur.
Assimilata est palma : palma nāque victoriæ signum est; quæ autem maior & gloriofior victoria quam de vitijs & peccatis triumphare? unde autē eiusmodi mirabilis & gloriofa succreuit *statura*, nisi ex victoria virtutum & destructione vitorum? Non incongrue ergo *statura Ecclesiae palma assimilatur*, quia omnis eius morum honestas & probitas insignes loquitur victorias.

Porrò *vbera eius botris assimilantur*, Vbera Ecclesiae cur botris dicuntur similia. quia doctrina & prædicatio eius, dulci & suavi abundant sapore sapientiæ & spiritualis intelligentiæ, & auditores suos ita inebriant, vt à mundi huius voluptatibus velut insensibiles faciat. Ut autem ostendat ipse sponsus quod pulchritudo huius *statura* maximè & principaliter proficiat & succrescat ex mortificatione carnalis vitæ, passionis suæ ei prætendit exemplum & ipsius passionis emolumentum:

dixi, inquit, ascendum in pal-

mam.

Sponsus in
sponsa uni-
uersitatem
virtutem
statura no-
mine appelle-
lat, & do-
ctrinæ abun-
datiæ vbe-
rum signifi-
catione de-
clarat.

membrorum ex habitu mentis bonè & honestè compositorum, vnum quiddam totum exinde procreuisse ostendens vniuersitatem virtutum *statura* nomine appellat, doctrinæ verò abundatiæ vberum significatione declarat. Quæ enim pulchritudo morum siue eloquiorum deest in toto corpore sanctæ Ecclesiæ nā cū istæ istâ, ille illâ, alius aliâ virtute resplendeat, quidam plura quidam pauciora virtutum genera possideat, q; potest esse species pulchritudinis & decoris, quæ in suo corpore sancta Ecclesia non habeat? Cumque diuersi diuersâ sanctarum doctrinarum eruditio ne clarescant, quæ potest esse veritatis vel sanctitatis scientia, quâ sancta non exuberet Ecclesia: nam cum secundum Apostolum, alij detur sermo sapientiæ, alij sermo scientiæ, alteri fides, alij gratia sanitatum, alij operatio virtutum, alij prophetia, alij discretio spirituum, alij genera linguarum, alij interpretatio sermonum, omnis omnis profecto pulchritudo atque ornatus operum siue sermonum in interiori *statura* sanctæ Ecclesiæ spiritualiter refulget.

1. Cor. 12.

Sponsa cur
charissima ip-
delitijs pro-
nuntetur.

Vnde merito pulchra & decora, sed in delitijs charissime prouinciatur, quia profecto magnæ sunt deliciæ animæ virtutum abundantia, & sapientiæ salutaris doctrina; sed quo magis anima his delectatur, tanto amplius diuinæ dilectionis dulcedine repletur.

VERSUS VIII.

Dixi, ascendam in palmam, & apprehendam fructum eius: & erunt vbera tua sicut botri vineæ: & odor oris tui sicut odor malorum.

Dicere Dei
est autem tem-
pora sæcula-
ria determina-
nare.

AC si eidem Sponsæ suæ pa-
tentia dicat, vnde habes vin-
cere, vnde habes proficere? estne
tuæ virtutis & industriæ, quod tan-
ta pulchritudinis decus tibi potes
comparare? Si recte consideres, ne-
quaquam tuæ fortitudini vel pruden-
tiæ alicuius boni meritum ascribes.
Ego enim dixi, hoc est ante tempo-
ra sæcularia decreui & determinatè
disposui, & quia per ligni præuari-
cationem occubuisti, & impotens
esse cœpistis, & inimicum tibi ipsi
peccando inuenisti, cui post-
modum præualere non potuisti,
sed quasi captiuæ eius dominio sub-
iacuisti, rursus per ligni oppositio-
nen perditum tibi bonum recu-
perarem, & ab inimici potentia, &
a captivitate quam detinebaris eripe-
rem, redditaque libertate inimicū
sibi substernerem, & contra eius in-
fidias prouidentiam sibi præcauen-
do & virtutem resistendi darem.

Ascensus
palmæ fuit
ascensus
Christi in
crucem eius
fructum re-
surgendo
apprehen-
dit.

Idcirco dixi, ascendam in palmam,
hoc est in crucem, in quam postquam
de hoste triumphauero, & fructus
huius passionis meæ apprehende-
ro, atque in signum victoriæ resur-

gendo protulero, omnibus mihi o-
bedientibus, & in meâ virtute spem
habentibus huius consolationis o-
raculum proferam, confidite ego vici
mundum. Tu ergo debes pugnare, &
quia secura es de victoriâ mea vi-
ctoriam iam adepto, crucem mecum
carnem mortificando ascende ut
omnis statura tuæ animæ assimile-
tur palma, & perseverantia titulo æ-
ternæ mancipetur victoriæ.

Ascensio
palmæ sive
crucis ob-
quid ve-
nerando &
adorando
omnianima-
nonne per hunc fructum refectum
ma.

Sed veneranda & adoranda o-
mni animæ huius ascensio palma. Qua-
re? quia magnus profecto & incō-
parabilis fructus eius: quid enim?
nonne per hunc fructum refectum
& reparatum est totum genus hu-
manū? quis autem & qualis fructus
iste fuit & est? nimirum generis hu-
mani redemptio, inimicitiae erga
Deum reconciliatio, quotidiana
peccatorum remissio, contra infidi-
as inimici firma defensio, munda-
næ miseriæ exitus, & regni cœlestis
introitus.

Omnis enim profectus Ecclesiæ
extempore passionis & resurrectionis
Christi cœpit, atque exinde sanctitatis eius præconia & spiritus
sancti dona abundantissime pro-
fluxerunt. Vnde & sequitur, & erunt
vbera tua sicut botri vineæ & vox o-
ris tui sicut odor malorum.

Profectus
Ecclesiæ

Nam prædicatio & doctrina
eius post remotionem umbrae per
exhibitionem veritatis suauior & nem Christi
vterior emanauit, & post passio-
nem & resurrectionem Christi,
multos

multos diuinâ charitate ita ebrios fecit, vt omnem in eis mûdanæ voluptatis humorë calore sancti spiritus excoxerit, & ad cælestis vitæ amorem accenderit.

Per guttur memoria præcepto- rū, per vocē prædicatio illorum accipitur.

Ex gutture verò vox egreditur, & idcirco *per guttur memoria præceptorum diuinorum, per vocem ipsorum præceptorum prædicatio non incongruè accipitur:* nisi enim primò in mente per memoriam teneantur, minimè foras per sermonem proferentur. Sed huiusmodi *vox sermonis malorum odori comparatur*, quia sicut per odorem res non tantum præsens, sed etiam absens sentitur, sic à tempore passionis & resurrectionis Christi per prædicationem Ecclesiæ, non tantum præsentia Domini ipsius, siue sanctorū eius facta & dicta, sed etiam præterita cognita sunt, & quotidie legendo & audiendo cognoscuntur: futura quoque bona seu mala ex his colliguntur, quando & iustorum præmia & peccatorum supplicia lôgè quasi ex quodam intimi tactus odore pensantur. Non autem ad *odorem florum, sed malorum vox ista refertur*, quia prædicatione Ecclesiæ quæ nunc per totum resonat mundum, non rudi vel tenera, sed matura & perfecta vnam fidem credentibus ostendit.

Prædicatio diuinorum præceptorum odori malorum comparatur.

VERSUS IX.

Guttur tuum sicut vinum optimum, dignum dilecto meo ad potandum, labij-

que & dentibus illius ad ruminandum.

Guttur verò sicut vinum optimum Memoria diuinorum dicitur, quia memoria præceptorum diuinorum mentem sui dulcedine inebriat, & quod suauiter rum dicitur vinum optimum, & interius meditando bibit, ut ille exterius eloquendo profundit: *dignum dilecto meo ad potandum, Christus in corpore suo, hoc est in Ecclesiâ, quæ cum eo per Spiritum unum efficitur, sicut iustitia, fide, & sanctitate refici, ita & potari dicitur;* quemadmodum è contrario in infidelibus iustitiam fidem & sanctitatem esurire atque sitire prædicatur. Nam in cruce pendens cum diceret *stio*, fidem & sanctitatem infidelis populi sitiebat, quia propter eum quasi quodam æstu laboris fatigatus fuerat, quem de Ægypto multis signis & portentis eduxerat, ante quorum faciem gentes contruerat ad quos testamenti sui & legis pactum confirmauerat, quibus terram re promissionis, urbem templumque delegauerat, pro quorum salute postremò ipsam mortem suscipere non designatus fuerat.

Ioh. 19.

Cum ergò sancta Ecclesia, siue sancta quælibet anima legem Domini die ac nocte meditatur, in mente ipsius Christus quodam dulci meditationis vino potatur, & illius sancta meditatio, & quasi suavis & digna Deo potatio. Unde cum sponsus guttur dilecta, hoc est meditationem mandatorum.

Meditatio in lege Domini digna est Deo potatio

torum Dei, quasi vinum optimum prædicaret, illa laudantis vocem interrumpens, & cooperatrici gratiæ adgaudens, *dignum*, inquit, *dilecto meo ad potandum*, hoc est dignū quod ipse sua gratia prouehat, & ad effectum perducat. Quomodo? Labijs mini labiis & dentibus ruminando: quod enim se & ruminare cū frequenter meditādo intelligit, est eam alii debet alijs docendo impendere, exponendo tractare, & discutiendo retractare, quod est quasi mundi animalis proprium ruminare. In uno enim corpore Ecclesiæ q̄ vniuersus Christus intelligitur, guttur est diuinæ scripturæ meditatio, labia ipsius scripturæ pronuntiatio, dentes eiusdem explanatio veluti grossæ literæ confractione, & ad spiritualis intelligentiæ subtilitatem diminutio. Quare ipsi sponso *dignum* dicitur *ad potandum* siue *ruminandum*, quia omnis profectus Ecclesiæ siue cuiuslibet sanctæ animæ eius muneris est & gratiæ.

VERVS X.

Ego *Dilecto meo*, & *ad me conuersio illius*.

Quandoquidem, inquit, præeunte Ipsius Dilecti mei gratia placeo illi sanctorum scripturarum meditatione, eruditione, expositione, ergo volo & iure debeo magis ei appropinquare obediendo, bonis actibus studendo, cete-

risque præcepta illius annuntiando, vt fiat hoc quod scriptum est, *appropinquate Deo*, & *appropinquabit Iacobi 4. vobis*. Si enim me ad ipsum conuerto, tunc *ad me conuersio illius*, sicut ipse dicit *conuertimini ad me*, & ego *Zach. 1. conuertar ad vos*: nulla autem mutabilitas in Deo, vt humano more auerti vel conuerti posse dicatur, sed quidem motus venientis siue recedentis gratiæ in homine, quædā conuersio siue auersio Dei appellatur.

Conuersio illius ad nos, est gratiæ *vo-* *Conuersio*
cantis, iustificantis & glorificantis *Dei ad nos*
miseratio, per quam liberum iuu- *est gratiæ*
vocantis,
tur arbitrium, & bonæ voluntatis *iustificantis,*
intentio ad boni propositi perdu- *& glorifi-*
citur effectum. Vnde benè primò *cantis misse-*
dicit, *ego dilecto meo*, ac deinde, & *ad*
me conuersio illius, quia nostrum est
primò bonæ voluntatis intensionē
ad boni operis studium assumere,
illius bona intentione conceptum
opus per cooperatricem gratiam
ad bonum usque finem perducere.

Quocircà quia promptam in se
sentiens voluntatem de cooperan-
tis sibi adiutorio fiduciam assu-
mit, continuo ad ope-
rationis studium accin-
gitur dicens, *veni*
dilecte mi.

VER-

VERSUS XI.

*Veni dilecte mi, egrediamur in agrum,
commoremur in villis.*

Egrediamur inquit, quia postquam ad me cōuersio tua facta fuerit per cooperantem gratiā liberē & securē possum exire, & ad præcationis officium, & ad bonæ actionis studium, ut omnis mea operatio & à te semper incipiat & per te cœpta finiatur: nihil enim boni sine te possumus facere.

Egredi in
agrum est
genti Iudea-
orum ver-
bum Dei an-
nuntiare.

Acto. 13.

Rom. 9.

Rom. 3.

Commorari
in villis est

Sed quo primo egrediemur? in agrum videlicet, hoc est gentem Iudæorum, quæ iam habilis est ad suscipiendum semen verbi Dei, quia iam exarata habet corda, per legem scriptam & etiam naturalem, atque ideo magis intelligere potest ex lege & Prophetis diuinæ bonitatis propositum, quo decreuit restituere genus humanum. Illis enim primo oportet loqui verbum Dei, quorum adoptio filiorum est, & gloria, & testamentum, & legislatio, & obsequium, & promissa, quorum Patres ex quibus Christus secundum carnem, qui est Deus benedictus in secula. In hunc ergo agrum diuini verbi semine conspergendum, egrediamur per præcationis officium, & quia primò credita sunt eis eloquia Dei, prima quoq; in eis fidei, & diuinorum Sacramentorum seminaria iaciamus.

Deinde progredientes, in villis

commoremur, hoc est in gentibus, gentibus quæ à ciuitate Dei, id est Ecclesia ^{praedicare.} remotæ sunt, in quibus quia tardiores sunt ad credendum propter insolitam & inauditam fidei prædicationem, necesse erit moram facere, & frequentius verbum vitæ annuntiando ad vrbana consuetudinis elegantiam, hoc est Ecclesiasticæ legis obseruantiam reducere. Commoremur ergo inter eas, tu ò dilecte per gratiam inspirans, ego per prædicationem adiuuans, ut ingenitam eis ignorantiam, & rudis animi simplicitatem crebra eruditione afferentes, nostram ciuilem honestatem & veram Sapientiam infundamus, per quam illius supernæ ciuitatis felices accolæ ascribi mereantur.

Cum autem hos duos parietes Ex utroque
è diuerso venientes Iudæos, scili- populo Iu-
cet & gentiles in vna fide con- dæ & gen-
iunxerimus, non duo, sed unus erit populus, vna Ecclesia, vna Ecclesia, v-
Domini Sabaoth vinea, quæ nus populus vna vinea
Spiritus Sancti opere exculta, Domini.
non iam labruscas, sed dulces faciat vias.

VERSUS XII.

*Mane surgamus ad vineas, vide-
amus si vinea floruit, si flores fructus
parturiunt, si floruerunt mala puni-
ca: ibi dabo tibi vbera mea.*

Ii

Ad has

Quid sit man-
ne surgere
ad vineas &
videre si vi-
nea floruit,
si flores fru-
ctus par-
tiunt, si flo-
ruerunt ma-
la punica.

*Ad has autem vineas ex circumci-
sione & præputio plantatas, manè
surgamus, in exortu scilicet fidei,
quando verus Sol in cordibus cre-
dientium oriri cœperit, & suæ sapi-
entiæ claritate irradiare, & virtutis
calore accendere: videamus si vinea
floruit, hoc est si iam vñus Christiano-
rum populus factus initia bono-
rum operum protulit, si flores fructus
parturiunt, hoc est si ipsa initia ad
integritatem & perfectionem ali-
quam assurgere conantur; si florue-
runt mala punica, hoc est si tanto Dei
amore flagrent, ut non solum mente,
sed & corpore pro eo patidesi-
derent.*

*In vineis po-
pulo & cir-
cumcisione
& præputio
dare vbera,
est Sacra-
menta duo.
xum testa-
mentorum
referare.*

*Ibi dabo tibi vbera mea: postquam
enim hos duos populos per unita-
tem fidei vnum fecerimus, & ad
boni operis studium promoueri-
mus, tunc ad laudem tui nominis,
ô dilecte, Sacra menta quæ ex subtili-
tate duorum testamentorum tuo
munere cognouiimus, eis quoque
committemus, quatenus in eis
semper & ad maiora virtutum ope-
ra nutriantur, & contra mundi ten-
tamenta roborentur, & ad futuræ
beatitudinis bona appetenda mag-
is accendantur. Confidenter
quippe prædicabo, & præcepto-
rum tuorum Sacra menta referabo,
quoniam habeo spem fructifican-
di, & effectum boni operis conse-
quendi. Vnde? quia mandra-
goræ dederunt odo-
rem.*

VERVS XIII.

*Mandragoræ dederunt odorem in por-
tis nostris. Omnia poma noua & vetera,
dilecte mi, seruauit tibi.*

*Ipse nempe odor spem mihi af-
fert prædicandi, quia credo ex
odore illo consequenter prouenire
utilitatem fructus parcipendi. Sed
considerandum diligenter quæ sit
ista Mandragora quisue huius man-
dragoræ odor. Si ad literam respicias,
mandragora est herba aromaticæ, ^{Mandragora} secundum
quæ ad similitudinem humanorum ^{literam de-}
membrorum formata solo capite scriptio.
caret, cuius virtus est, ut in potum
data his quos vigilia premūt, som-
num adducat & requiem; porro
steriles in ea vtantur, concipere fa-
ciat.*

*Siverò spiritualem sensum at-
tendas, Mandragora non absurde ^{Mandragora} secundum
accipi potest gentilitatis conuer-^{spī ritualem}
sio, quæ quam diu in sui erroris pra-^{sensum fig-}
uitate agebatur, non inani tantum, ^{nificat po-}
sed etiam exitiabili labore fatiga-^{pulum gen-}
batur, sed postquam conuersa De-^{tilem.}
um agnoscerè cœpit, & curis & vo-
luptatibus reum sacerularium minus
vigilare imo magis quam dormire,
& à prauo labore huius mundi qui-
escere didicit; & quæ prius à bono
opere sterilis erat, postmodum fœ-
cunda virtutibus extitit, impleta.
Prophetia, quæ dicit, latare sterilis Gal. 4.
que non paris, erumpere & clama quæ non
partu-*

parturis, quia multi filii deserta magis, quam eius quæ habet virum. Mandragora verò, vt diximus, cum habeat humani corporis similitudinē capite caret, quia gentilis populus cum naturaliter ratione vigeret, ad discretionem boni & mali, tamen ipsa vis rationis hac in parte in eo hebetata erat, qua creatorem suum cognoscere non valebat, quem quia in sui cognitione non habebat, quasi capite carebat.

*Mandragora
item Iudeos
significat.*

Iudaicus quoque populus per mandragoram significari potest, qui dum ratione per obseruantiam legis vteretur, caput tamen non habebat, quia Christum suscipere recusabat; sed mandragora ista postmodum odorem dedit, quia quæ prius per infidelitatem sterilis fuerat, postea credens multos Deo filios generabat. Mandragora ergo odorem dedevunt in portis nostris, quia Iudaicus &

*Mandragore
odorem de
derunt in
conuessione
& gentium.
gentilis populus te, ô dilecte, in cœlum ascende, per tuam gratiam & meam prædicationem fidei Sa-
lutorum cramenta suscepereunt. Quenam au-
tem sunt istæ portæ, in quibus credentem
populum dicit dilecta odorem dedisse?*

Nimirum si diligenter consideres, agnoscere poteris per quas portas, anima Deum inuenire cupiens, paulatim usque ad ipsa cubilis secreta progrediatur: primò namque in homine est animi concepcionis, qua concipit id, cuius summam adipisci desiderat, quo con-

cepto quid vel quale sit inuestigat, donec ipsius cognitionem habeat; cognito autem eo amplectitur, & siceo ad utilitatem sui vtitur, vt omnem eius integratatem ad se quādoque conuertere conetur. Estergo in unoquoque credituro quædā porta & quasi primus ad Deum introitus, prima fidei in animo conceptio qua voluntatem credendi accipit, deinde ipsius fidei inuestigatio vt cognoscat quid vel qualiter credere debeat; postquam secundam inuestigationis portam aperitur ei tertia porta fidei scilicet cognitio, post cognitionem sequitur operatio, sine qua fides otiosa esse decernitur, benè autem operantem Deo coniungit mundi cordis contemplatio.

*Per has ergo portas ad Deum veni- Quæ sunt
re contendentes, in ipsarum porta- portæ in
rum introitu, bonæ voluntatis odo- quibus mā-
rem spargunt; sed iste odor per se dragoræ
memoran- cundam portam inuestigatæ fidei tur odorem
transiens, tertiam quoque cogni- tuum dedi-
se. tæ fidei iam portam attingens, ac
deinde quartam operationis portæ
percurrens, per quintam demum
contemplatiæ dulcedinis portam
ad ipsa interiora cœlestis Sponsi se-
creta illabitur.*

Cum ergo mandragora dant odorem in his portis, cuius est, quod Deum quærentes animæ ad fructum boni operis iam maturescunt.

Digna ergo gratulatione Sponsa
Ii 2 dilecto

dilecto alludit dicens, mandragoræ dederunt odorem in portis nostris, quia dum Ecclesia filiorum suorum profectam intendit, competentes Deo gratiarum actiones persoluit. Vnde magis ad prædicationem accingitur, quia in eorum cordibus proficere sperat, quos ad Deum toto corde conuersos esse considerat. Ipsum verò profectum suum non suo labore & industria, sed diuinæ gratiæ imputat dicens, omnia poma noua &c. vetera, dilecte mi, seruauit tibi.

*Per poma
noua & ve-
tera Sponso
à Sponsa
seruata ac-
cepitur fra-
ctus veteris
& noui te-
stamenti ad
ipius hono-
rem relatus.*

Ad tuum, inquit, honorem seruauit, ô dilecte, omnem fructum Sanctitatis, quem ex veteris vel noui testamenti institutione cognoui, siue quem ex præceptorum informatione didici, siue quem ex Patri vita & moribus imitando collegi. Tui enim hoc est muneris, non mei laboris, vel quod ipsa benè viuendo & docendo profeci, vel quod alij meo exemplo siue doctrina proficere potuerunt.

*Pomorum
item nouo-
rum & vete-
rarii testa-
menti de
Christi nati-
uitate & pas-
sione in fi-
gura & veri-
tibus & audientibus fructum in eis
raec ostensio
& expositio.*

Siue ut alio modo dicam, omnia poma noua & vetera seruauit tibi, quia omnia quæ in veteri testamento mysterialiter facta & dicta, in novo autem realiter exhibita leguntur, de tua nativitate, passione, resurrectione, & ascensione, scriptra docui & exposui, cunctisq; legendis & bona operationis ostendi.

CAPVT OCTAVVM.

1. **Q**uis mihi det te fratrem meum, fugentem ubera matris mee, vt inueniam te foris: & deosculer te, & iam me nemo despiciat.
2. Apprehendam te & ducam te in dominum Matris mea. Ibi me docebis, & dabo tibi poculum ex vino condito, & mustum malorum granatorum meorum.
3. Læua eius sub capite meo, & dexter illius amplexabitur me.
4. Adiuro vos filia Ierusalem, ne suscitatis, neq; euigilare faciatis dilectanz donec ipsa velit.
5. Quæ est ista quæ ascendit de deserto, delicijs affluens, innixa super dilectum suum? Sub arbore malo suscitaui te, ibi corrupta est mater tua, ibi violata est genitrix tua.
6. Pone me vt signaculum super cor tuum, vt signaculum super brachium tuum; quia fortis est vt mors dilectio, dura sicut inferus emulatio; lāpades eius lampades ignis atq; flamarum.
7. Aquæ multæ non poterunt extingue re charitatem, nec flumina obruit illam si dederit homo omnem substantiam domus sua pro dilectione, quasi nihil despiciet eam.
8. Soror nostra parvula est, & ubera non habet.

Quid